

律隸祕書

急就篇注叙

祕書監公文館學士上護軍琅邪縣開國子顏師古撰

急就篇者其源出於小學家昔在周宣粵有史籀
音青演暢古文初著大篆秦兼天下罷黜異書丞相

李斯又換蒼頡中車府令趙高繼造爰歷太史令

胡毋音無敬作博學篇皆所以啓導青衿垂法錦帶

也逮至炎漢司馬相如作凡將篇俾效書寫多所
載述務適時要史游景慕擬而廣之元成之間列

於祕府雖復文非清靡義闕經綸至於包括品類

錯綜古今詳其意趣

七句反

實有可觀者焉然而時

代遷革亟經喪亂傳寫湮訛避諱改易漸就蕪舛
莫能釐正少者闕而不備多者妄有增益人用已

私流宕

徒浪反

忘返至如蓬門野賤窮鄉幼學遞相

承稟猶競習之既無良師祇增僻謬若夫縉紳秀
彥膏粱子弟謂之鄙俚恥於窺涉遂使博聞之說
廢而弗明備物之方於茲寢滯師古家傳蒼雅廣

綜流畧尤精訓故待問質疑事非稽考不妄談說
必則古昔信而有徵先君

師古父
思賢

常欲注釋急就

以貽後學雅志未申昊天不弔奉遵遺範永懷罔
極舊得皇象鍾繇衛夫人王羲之等所書篇本備
加詳覆足以審定凡三十二章究其真實又見崔
浩及劉芳所注

後魏太宗元年敕崔浩解
劉芳續注音義證三卷

人心不

同未云善也遂因暇日爲之解訓皆據經籍遺文
先達舊旨非率愚管斐然妄作字有難識隨而音

之別理兼通亦卽竝載可以祛發未寤矯正前失
振幽翳之學攄制述之意庶將來君子裁其衷焉

急就篇卷第一

唐 顏師古 注

宋 王應麟 音釋

明 毛 晉 訂

急就奇觚與衆異

觚音孤

觚者學書之牘或以記事削木爲之蓋簡屬也
孔子歎觚卽此之謂其形或六面或八面皆可
書觚者稜也

稜虛登反

以有稜角故謂之觚言學僮

急當就此奇好之觚其中深博與衆書有異也
班固兩都賦曰上觚稜而棲金爵今俗猶呼小
兒學書簡爲木觚章蓋古之遺語也

羅列諸物名姓字

言此衆章列敘萬物之名及人姓字

分別部居不雜廁

廁初
吏反

前後之次以類相從種別區分不相間錯也

種
之

隴反間

居竟反

用日約少誠快意

以其詳悉多所該備不費功日而心意開了故云快意也禮學記曰師逸而功倍

勉力務之必有喜

喜許志反

勉力勤習以致業藝則能顯達可好喜也

好呼報反

請道其章

此後二句一韻

敘致已訖乃說之也

宋延年

微子紂之庶兄周武王克商封之於宋其後或

以國爲姓遂有宋氏延年之義取於壽考無疆也漢有李延年杜延年田延年篇首廣陳諸姓及名字者以示學徒令其識習擬施用也自此以下器用物務次敘皆同而說者乃云是當時弟子名姓又云是古賢聖之人本出易緯史游重述此說皆非也姓者竝是古來所有非妄造之名字或是舊人已經稱用或是新構義理然非實相配屬真有其人所以章中自云姓名訖

請言物又云諸物訖五官出以此求之其意可
曉至如雜寶奇繪殊俗異物及疾病刑獄官曹
職務豈非當時庠校之內悉自有乎皆汎說耳
易緯中頗有姓名與此同者蓋後人妄取以附
著之非本聖人所說也先儒通論舊云緯書之
作偽起哀平應劭撰風俗通亦多設人姓而爲
章句偶讀斯效急就之爲也

屬之欲反按胡孝
反其字從木今從

手著直

賂反

鄭子方

鄭桓公友周厲王之子宣王母弟也宣王封之於鄭其後或以國爲氏宋有鄭翩卽其族也子者男子美稱方者言其正直不回也

衛益壽

衛康叔周文王之子也周公旣誅管蔡而封康叔爲衛侯其後亦因國爲氏益壽亦延年之義也

史步昌

史氏之先本周大夫史佚音逸之後也周亦有史

籀文救反晉有史黯於滅反秦有史顛口果反衛有史

狗史魮于由反其後竝稱史氏此類甚多不可具

載步昌言高步而昌盛也漢有李步昌

周千秋

周大夫周桓公宰周公周公忌父父讀曰甫繼守官

邑故有周氏周任之後亦爲周姓千秋亦欲長

生久視也漢有張千秋田千秋

趙孺卿

卿叶乞郎反
見楚辭大招

造父善御事周穆王穆王封之趙城其後因稱
趙氏晉之趙夙卽其苗裔遂蕃衍焉孺幼少之
號也卿言可爲列卿也漢有蘇賢字孺卿

爰展世

展一作歷

爰氏之先本與陳同姓陳申公生靜伯甫伯甫
八世一作葉孫爰諸生爰濤塗濤徒高反因而命氏其

後或爲轅字又作袁字本一族也漢有爰盎

烏浪

反展者伸也言子孫蟬聯不絕也或曰展誠也

高辟兵

辟音磴兵叶賄苦反見詩擊鼓無衣和荀子能詩

齊大夫高偃音奚者號高敬仲本齊之公族也其

後遂稱高氏大爲著姓又惠公之孫曰公孫竈亦稱高氏辟兵言能弭止兵戎也

右章第一

鄧萬歲

鄧古國名本曼姓也其後稱鄧氏焉

曼音萬

楚有

鄧廖

音聊

鄭有鄧析

先歷反

竝其族也萬歲猶千秋

耳

秦妙房

妙一作眇漢書眇讀曰妙

秦本地名後爲國號因又命氏魯有秦董父秦
丕茲秦遒皆秦姓也妙謂德行高妙也房謂德
之所聚也

郝利親

郝呼各反

郝京北蓋屋鄉名也

蓋竹雷反
屋竹乙反

因地以命氏焉

漢有郝賢今蓋屋縣猶出郝姓利親言其善父母也

馮漢強

強一作彊

馮氏之先本歸姓也鄭大夫有馮簡子其後遂爲大族漢強意在忠於本朝也

戴護郡

戴氏之先與宋同族宋戴公生公子文遂稱戴

氏戴惡卽其後也護郡言爲太守若都尉

景君明

明叶音芒易潛龍勿用陽氣潛藏見龍在田天下文明書元首明哉股肱良哉庶事

康哉詩東方未

明顛倒衣裳

景氏楚之同族本芊姓也

芊莫尔反史記索隱彌是反芊羊聲也

漢高祖用婁敬之計徙齊楚大族入關景氏亦

遷名數今之好時鄭縣華陰諸景是也君明言

有明德宜爲列國諸侯也漢有京房字君明

董奉德

董氏之先本已姓也颺淑安之裔子曰董父能

擾畜龍服事帝舜舜賜之姓曰董

已音紀颺力救反父讀曰

甫

又周大夫辛有之二子適晉與籍氏俱董督

晉之史籍因爲董氏董狐董叔董安于皆其後也奉德言其奉持德義也一曰言有賢德人所戴奉也

桓賢良

桓一作隨

宋桓公孫鱗矐爲宋司徒號曰桓子

矐工喚反

因爲

氏焉向

式亮反

魑

人同反

號桓司馬其後亦稱桓族

賢良言可應賢良之舉也

任逢時

任育壬反

周文王母任氏之女此古姓也又有任國之君
太皞之後本風姓也其後亦爲任氏焉逢時言
遇太平也漢有王逢時

侯仲郎

侯氏之先鄭大夫侯宣多侯羽之後也魯有侯

叔夏侯犯齊有侯朝其後亦皆以爲姓仲者次伯之下郎者可爲郎官也

由廣國

戎人由余入秦爲相其後遂稱由氏楚大夫王孫由于有忠勇之節楚人亦謂其族爲由氏焉廣國言爲本朝益土地也

榮惠常

榮一作崇

周大夫有食采於榮者因而氏焉周書曰王俾

榮伯作賄肅慎之命春秋稱天王榮叔來舍

胡暗反

國語云厲王悅榮夷公皆榮氏也魯有榮

駕鵝

駕音加左傳作駕

楚有榮黃其後亦稱榮氏孔子

所見榮啓期泰山鄙人也

鄙音成

或謂之榮聲期

啓聲相近故也漢有榮畜惠常言以仁惠爲常也

烏承祿

齊大夫烏餘之後遂以爲姓莒亦有烏存秦有

力士曰烏獲承受之也

令狐橫

令力呈反橫叶音黃見荀子俛詩楚辭九辨魏文帝曹宇建詩橫叶胡朋反

令狐晉地名也在河東大夫魏顥食邑於此號令狐顥因爲氏焉橫克也大也

朱交便

舜臣朱武其後以爲姓論語有逸民朱張春秋左氏傳齊有朱毛漢有朱家交便善與人交皆便安之也

孔何傷

孔氏之先與宋同祖閔公生弗父何何曾孫曰

正考父考父生孔父嘉

父皆讀曰甫

仲尼即其後也

衛有大夫孔達孔烝鉏

仕於反

其後亦稱孔氏何

傷言無所傷害也

師猛虎

師樂人無目者之稱也晉有師曠魯有師已

音紀

鄭有師悝

口同反

師謁師觸其後皆以為姓以猛

獸爲名尚其威也

石敢當

衛有石碣

于弱反

石買石惡鄭有石癸石楚石制

皆爲石氏周有石速齊有石之紛如

紛扶云反

其後

亦以命族敢當言所當

一作向

無敵也

所不侵

所所斫木聲也古有虞衡之官因主伐木遂以爲姓漢有所忠武帝之近臣也不侵言其謹慤

丘角反

不爲寇暴也春秋左氏傳曰不侵不畔之

臣

龍未央

央於良反

龍舜臣名命爲納言者也其後遂以爲姓又董

父旣賜姓曰董又易氏曰參龍

參音宦

其後亦爲

龍氏漢有龍德善鼓琴未央言益壽無極也

伊嬰齊

伊摯伊陟殷之卿宰其後遂爲著姓漢有伊籍

嬰齊謂嬰兒之絜齊者也魯有公孫嬰齊漢有南越王趙嬰齊

右章第二

翟回慶

廣韻翟音狄慶叶音羌易乃終有慶詩農大之慶孝孫有慶及離豎慶天頽而喪榮

讀與羌同函通賦慶未得其云已
文選作羌詩集傳慶叶祛羊反

翟氏本齊翟僂

力羽反

新之後也魏有翟璜翟翦

漢有翟公翟方進回慶者言福喜方來也

畢稚季

稚直利反

周文王之子有畢公高者其後以爲姓晉之畢萬卽此族焉稚季者言非長

竹文反

叔幼也漢有

杜稚季

昭小兒

兒叶虛王反見詩鴉之奔奔陟岵皇矣楚辭天問

昭氏亦楚同姓其屈景爲三族者也當戰國時有昭奚恤小兒言上有昆而下有弟也

柳堯舜

魯公子展之後也有展禽者食采於柳下之地

因爲桀氏焉堯舜言依唐虞二帝之則以自警也

樂禹湯

樂一作藥

樂氏之先與宋同姓戴公生樂父

讀曰甫

衍

苦且反

是稱樂氏樂喜皆其後也楚有樂伯亦因得姓
戰國時燕有樂毅樂間禹湯言欽夏殷兩王之
美順其則也

淳于登

春秋淳于公如曹度

徒各反

其國危遂不復淳于

之地卽北海淳于縣是也後以國爲姓戰國時

齊有淳于髡

口見反

秦始皇時有淳于越漢有淳

于長

費通光

費扶味反
一音祕

費氏楚大夫費無極之後也漢有費直通光猶

言開明

柘溫舒

柘之夜反

柘楚地名也後更爲縣時屬淮陽國所居之人因而命氏溫舒言其溫裕而安舒漢有路溫舒

路政陽

政一作正

路水名也又因爲縣在涿郡界居者氏焉漢有路中大夫路溫舒政陽言其堪爲政而有光陽也

霍聖宮

周文王之子有霍叔武

一作處

者其國在河東今

霍邑縣是也後嗣爲晉獻公所滅子孫遂姓霍
氏漢之霍去病霍光自河東人也聖宮言觀
觀聖人之奧祕若入其宮室也子贛曰譬之宮
牆夫子之牆數仞不得其門而入不見宗廟之
美百官之富

顏文章

顏氏本出顓頊之後顓頊生老童老童生吳回
爲高辛火正是謂祝融祝融生陸終陸終生六

子其五曰安是爲曹姓周武王封其苗裔於邾
爲魯附庸在魯國鄒縣其後邾武公名夷父字

曰顏

父讀曰甫

故春秋公羊傳謂之顏公其後遂稱

顏氏齊魯之間皆爲盛族孔子弟子達者七十
二人顏氏有八人焉四科之首回也標爲德行
韓子稱儒分爲八而顏氏處其一焉漢有顏駟
顏異顏安樂以春秋名家文章言其文章也

一作

言有文章
之材也

管財智

管一作筦

管氏之先出自周文王以國命氏也齊有管至

父管夷吾管于奚管脩因爲著姓

父讀曰甫

財智言

富於財而又多智也

偏呂張

楚之軍帥

所類反

使主偏者因以爲姓也司馬法

曰車十五乘曰偏春秋左氏傳曰廣有一卒

上廣

曠反

卒偏之兩呂張言爲心呂之臣可張大王室

也昔者太岳爲禹心呂之臣故封呂侯以譬身
有脊呂骨也其爲字象形非兩口也

魯賀喜

伯禽之後有悼公者爲楚所滅子孫以國爲氏
賀喜言有喜而可賀也

觀宜王

觀工與反
一作灌

觀夏之同姓諸侯也國滅之後因而氏焉晉有
觀武楚有觀起觀從皆其胤也觀字或作灌斟

之林反

灌亦夏時國名也其後爲灌氏焉漢有灌

嬰宜王言有益於王室者也

程忠信

程氏之先本重黎之後周有程伯休父因姓程

焉

重文隴反
文讀曰甫

晉有程鄭實佐下軍漢有程鄭臨

邛富室忠信爲周言不阿黨也

吳仲皇

周大王之子太伯始封於吳吳氏卽其後也仲

者次伯之下皇者正也大也

許終古

許氏許由之後也太嶽之胤有姜姓者封於許國其後爲楚所滅末裔亦姓許晉有許偃鄭有許瑕楚有許伯亦稱許氏終古言不廢絕也漢有濟北思王終古

賈友倉

賈本姬姓國也晉吞滅之後稱賈氏晉有賈華

賈佗

徒何反

賈伯賈辛皆其裔也友倉言慕倉舒

追而友之

陳元始

舜後媯滿周武王封之於陳其後爲楚所滅子孫因姓陳焉元始長子之孫也

韓魏唐

周武王之子封於韓其後爲晉所滅因稱韓氏晉大夫韓萬卽其後也及三家篡晉侯王相襲

故其宗黨分布四方或曰韓萬曲沃桓叔之子也晉滅韓令萬食其地焉因爲韓氏魏唐取二國之地以爲名也魏本姬姓亦爲晉所滅其地卽河東河北縣是也唐卽晉地也故詩蟋蟀敘曰此晉也而謂之唐

右章第三

液容調

液音亦
一作掖

上古道術之士善於鍊化能作液湯者後嗣因

以液爲姓容調者言其容止調和

柏杜楊

杜一作度
楊一作揚

古帝有柏皇氏其後爲柏氏焉一曰晉伯宗伯
州犁之後古通用字柏與伯同故爲柏氏魏有
柏直漢有柏至杜楊以二木爲名也杜甘棠也
牡者曰棠無子者也牝者曰杜有子者也楊一
名蒲柳可以爲矢

曹富貴

曹姓卽陸終之子安所出也又周文王之子曰曹叔振鐸武王封之陶丘號曰曹伯其後爲宋所滅亦爲曹氏而齊有曹開亦稱曹族富貴言滿而不溢高而不危也

尹李桑

尹氏本周大夫也後爲官族李桑義與杜陽同
蕭彭祖

蕭氏本出殷之六族成王所用封伯禽也又有

蕭國其君子姓宋之附庸爲楚所滅亦稱蕭氏
彭祖者追慕彭鏗尚其長年也

鏗口耕反

漢有張彭

祖嚴彭祖

屈宗談

屈居勿反談徒目反叶陽韻

屈氏之先楚同姓也屈駿屈重屈蕩屈建屈平
皆其後焉宗談言有口辯爲談者所宗也以談
合桑古韻疏也

樊愛君

周大夫仲山甫宣王時爲樊侯遂稱樊氏樊皮
卽其後也愛君言慕嚮拳之爲人也

嚮弋六反
拳音權

崔孝讓

儻叶如羊反見詩角弓
楚爾大招荀子成相

崔齊邑名也丁公之子於此受封其後有崔天

天之支庶苗裔盛焉

天於
表反

孝讓言既有孝德又

能克讓也

姚得賜

姚舜姓也陟方之後末嗣稱焉鄭有姚句耳漢

有姚平

句音鈞

得賜言多受君之寵錫也

燕楚莊

燕鳥賢反

燕邵公奭

式亦反

本周之同姓其後以國爲氏云

楚莊言慕楚莊王也

薛勝客

薛私列反勝書烝反

有奚仲者爲夏車正受封於薛後遷于邳而仲

虺居薛爲湯左相

邳皮舒反

其後稱爲薛侯及爲楚

所并餘族因號薛氏勝者克堪之義客者人禮

敬之爲上客也

聶干將

聶女輒反
將資良反

聶本地名因以爲姓也春秋稱齊師宋師曹師
次干聶北救邢韓有聶政漢有聶壹干將古之
善劔一曰劔師名也

求男弟

求氏本居衛國表氏之地故稱表焉後又轉爲
求字漢末有求仲卽此族也男者以別女弟者

有兄之稱也

過說長

過古禾反
說音悅

過者夏時國名因爲姓也說長言常悅豫也

祝恭敬

祝氏鄭祝聃

乃甘反

之後也又衛有祝鮀

徒何反

後

嗣傳職賢而有識亦稱祝氏恭敬謂不忘恭敬

慕趙盾也

審毋妨

毋音無一作無
妨數方反害也

審氏之先爲周司空屬官主審曲面勢者也後
因賜族漢有審食其音異毋妨言勿有所妨害
也

龐賞贛

龐皮江反
贛貢同

龐者高屋之名龐氏之先背產殷富好爲室屋
鄉黨榮慕謂之龐家遂以立氏魏有龐涓工玄反
贛賜也賞贛義與得賜同

來士梁

來
作縻

來氏殷之別族本子姓士梁言爲士君子之棟
梁

成博好

成者周之采地卿士所食成肅公簡公桓公是
也故稱成氏焉又楚令尹子玉若敖孫也號成
得臣亦爲成氏大心成熊皆其後也晉有成鱣
上克反 成何何後奔燕宋有成謹火官秦有成差
竝爲成姓博大也

范建羌

起良反

陶唐氏之後在夏爲御龍氏在商爲豕韋氏在周爲唐杜氏其後杜伯之孫曰士蔿爲晉司空蔿子士穀亦繼其官蔿孫士會晉太傅食邑於范爲范氏建羌言立功於西羌之地也

閻歡欣

閻余廉反

閻者里中門也因其所居遂以爲姓晉有閻嘉閻沒齊有閻職歡欣言得人之歡心

右章第四

寧可忘

寧氏與秦同姓秦襄公會孫諡曰寧公支庶因以爲氏一曰寧甯本一姓衛大夫甯俞之後也漢有甯成史記作寧成可忘言其善德不可忘也詩曰有斐君子終不可諼兮

斐敷尾反諼亦諼許元反

忘也

苟貞夫

苟艸名也所居饒之因以命氏漢有苟賓河內人也今之河內猶有此姓焉一曰本晉大夫荀氏之後避難改族而稱苟云貞者言有歲寒之節夫者大夫之謂也

苗涉臧

苗一作茅

苗賁皇本楚人後奔於晉其子孫遂爲苗氏王莽時有苗訢與欣同篇本苗字或作茅國名也周公子所封其後因以爲氏又邾有茅地及茅夷

鴻皆茅姓也涉滅言其所涉皆善道也一曰遇
難逃禍涉水而藏匿也

田細兒

田氏之先職賦田者也因以爲姓晉有田蘇宋
有田景又陳厲公之子完奔齊代爲卿佐遂篡
齊國後自稱王又稱東帝其族亦爲田氏蓋以
陳田聲相近云及爲秦所滅漢興徙田族於關
中今之高陵櫟陽諸田是也

櫟音藥

細兒言小兒

也

謝內黃

謝南方國名也周宣王后父申伯於此作邑其
後以爲氏魯有謝息內黃言黃中通理也一曰
取縣爲名也內黃屬魏郡

柴桂林

衛人高柴爲孔子弟子後居於魯末裔以柴爲
姓漢有將軍柴武桂林者取其冬生不彫而衆

盛之意

溫直衡

衡叶戶郎反見詩采芑韓奕闕宮烈祖長發楚辭九歌惜誓

溫氏之先出自己姓

己音紀

又晉之郤至食邑河

內之溫號曰溫季其後亦爲溫氏直衡言其正而平也

奚驕叔

奚仲既遷于邳其後遂稱奚氏漢有奚涓

工玄反

驕者父母愛而名之叔者伯仲之下也

邴勝箱

邴一作邴音柄又音丙勝書杰反

邴泰山下邑也居之者以爲姓焉

朱氏曰春秋邴字公穀作

邴故顏氏以邴注邴但少邴亦作邴四字而後人不曉乃於注木妄增八字去以邴爲邴其注

未詳者誤矣

晉有邴豫邴師齊有邴歊

音觸邴夏

古雅反

邴意茲漢有邴丹勝箱言其堪任近侍在東西箱也一曰言能負重致遠以牛爲喻也

雍弘敞

雍於用反

雍國名也在河內山陽文王之子所封其後以

爲姓又宋有雍氏本媾姓也

始其乙反

鄭有雍糾齊

有雍廩楚有雍子後入于晉其裔皆雍氏漢有雍齒弘敞言其大而高明也

劉若芳

劉氏之先與范氏同祖士會自秦歸于晉其族畱秦不去者爲劉氏又周之采地亦名爲劉劉康公定公獻公皆王卿士也其後亦稱劉姓若芳言如蘭若之芬芳也若謂杜若芳艸名也

毛遺羽

文王之子封於毛國其後以爲姓焉又周之采地亦名爲毛卿士所食毛伯衛毛伯過皆是也其後亦稱毛氏趙有毛遂漢有毛釋之遺羽自謙之稱言極輕賤也

馬牛羊

造父旣封趙城其後稱馬氏蓋以善御馬云又趙將趙奢克敗秦師賜號馬服君其後亦爲馬

姓牛羊者夔而諱之比之於畜產者也

尚次倩

干見反

呂望爲周武王太師號尚父其後或以爲姓次者長幼之弟倩者青色而美也

丘則剛

陳有宛丘居之者以爲姓又邾有丘弱後亦爲丘氏則猶象也謂法象於天爲剛德而不予時也

陰賓上

陰亦周之采地周大夫陰忌陰不佞陰里其後
遂爲姓焉賓上者見賓禮於君上取利用賓于
王之義

翠鴛鴦

翠氏楚景翠之後也避入關之遷懷土逃匿改
姓爲翠鴛鴦取匹鳥爲名也

庶霸遂

庶氏之先本出衛之公族以非正嫡遂號庶氏
禮記曰子思之母死於衛庶氏之女也及春秋
邾庶其來奔其後亦爲庶氏霸遂言能遂成霸
功也

萬段卿

卿叶乞郎反萬玉矩
反廣韻音矩又音禹

萬亦橋字橋者木名因樹以得姓也詩云橋維

師氏

橋音同漢
書橋作萬

謂女寵之族有姓橋者爲師氏

之官也漢有萬章段卿者言其厚重如石之段

可爲卿也春秋鄭有印段字子石公孫段字伯石孫子曰如段之投卵

泠幼功

泠一作伶音零
字從水亦作伶

泠人掌樂之官也因爲姓焉黃帝時有泠倫周有泠州鳩秦有泠至漢有泠廢泠豐幼者少小之次功者言能立功也

武初昌

周大夫武氏子其後因爲武姓陳勝之起也武

臣自立爲趙王項羽之客亦有武涉初昌者言
始昌大也漢有夏侯始昌

右章第五

急就篇卷第一

終

急就篇卷第二

褚回池

褚丑
呂反

褚師官名也衛有褚師定子聲子及褚師圃其
後因姓褚焉又周有褚氏之地居者亦因命族
漢有褚大褚少孫回池猶顏回字子淵之義也

淵一作深

避唐諱

蘭偉房

一作防

鄭穆公本因夢蘭而生故號公子蘭其後支庶

或爲蘭氏偉房言其器大衆藝所聚也

減罷軍

罷薄蟹反
又音疲

減氏之先爲晉公族大夫驪姬之難晉廢公族

因謂其人爲減氏減者省也

省所
傾反

漢有減宣罷

軍猶言偃武也一說久從戎役故疲勞也

橋竇陽

黃帝葬於橋山羣臣追慕守冢不去者曰爲橋

氏漢有橋庇

必寐
反

橋仁橋桃空穴曰竇牆南曰

陽言若生於寶陽故爲名也

原輔輻

輻方
六反

周文王之子封爲原伯其地今在河內於後爲
晉所滅遷之于冀因稱原氏而晉更以原封其
大夫先軫之忍故號原軫軫之苗裔亦姓原焉
又周之采地亦名爲原原莊公襄公皆食之也
其後亦命族孔子之門有原憲原壤輔輻言若
輻之輔車也

宣棄奴

周宣王中興國人美其德故支庶以爲氏焉棄
奴亦愛而諱之也

殷滿息

微子本殷之族雖封於宋支庶或稱殷氏又殷
水在潁川居之者亦以爲姓秦有殷口漢有殷

仲滿息言充滿而蕃息也

蕃扶
元反

充申屠

充氏古仙人充尚之後也申屠楚之官號若言
司徒也又□之信都古者申與信同屠都聲相
近也漢有申屠嘉本此官之後也遂因爲姓韓
信名信都亦有義今猶有申屠姓亦有信都

夏修俠

音協

夏桀爲湯所滅其族遂稱夏氏又陳宣公之孫
御叔之子號夏徵舒夏齧夏區烏侯反夫皆其後
也亦爲夏氏修俠言其修行游俠之事也

公孫都

黃帝姓公孫氏支庶遂以爲姓也又公子之子

皆號公孫魯公孫敖鄭公孫闕

烏葛反

齊公孫董

丑芥反

晉公孫奭衛公孫朝凡此等類其後皆爲

姓矣畧舉大綱不可具記漢有公孫賀都美稱

也詩曰洵美且都

洵音荀

又曰不見子都

慈仁他

他一作他化作地

慈氏本高陽氏才子之後也美其宣慈惠和因

以爲姓仁他者所愛及遠也

郭破胡

號叔周王季之子也受封於號其地今陝州陝縣是也後爲晉所滅號公醜奔周遂姓郭氏郭者號聲之轉也又齊地有郭氏之墟蓋古國國滅之後亦爲郭姓齊有郭榮此其族也破胡言能克匈奴

虞尊偃

尊一作荀

帝舜之後或爲虞姓又周太伯之弟仲雍號曰
虞仲嗣太伯之後武王克商封虞仲之庶孫爲
之後其地今在河東謂之虞公爲晉所滅其後
亦爲虞氏尊偃偃仰自尊高也

憲義渠

憲氏之先本爲周之布憲司寇之屬官也其後
以爲姓焉義渠國名也後爲縣在北地以縣爲
名也

蔡游威

周蔡叔者文王之子爲周公所誅而封其子仲於蔡是爲蔡侯其後爲楚所滅遂稱蔡氏游威威之遠揚也

左地餘

左丘明本魯之左史繼守其職遂爲姓焉又楚

左史倚相

倚於綺

末裔亦爲左氏地餘言土地有

餘封邑廣大也漢有歐陽地餘

歐焉侯反

譚平定

譚徒南反

譚小國也爲齊所滅譚子奔莒因姓譚焉平定

謂無憂虞也

孟伯徐

魯桓公子慶父

讀曰甫

之後號孟孫氏其後稱孟

氏焉又衛侯之兄孟縶其後亦曰孟氏伯長也

長竹

徐者舒緩之稱也

丈反

葛轆軻

轆苦感反軻枯我反又音珂

夏時諸侯有葛伯者爲湯所征遂失其國因稱
葛氏又春秋時亦有葛嬴姓之國也其後亦爲
葛氏軼軻言坎壞不平也

壞慮感反
坎日感反

蓋欲效孟

子名軻字子居耳

居一作車

敦倚蘇

敦都
昆反

敦氏秦文公時史敦之後也倚蘇言爲萌庶所
倚賴喜於來蘇也

耿潘扈

耿古
幸反

耿地名也在河北祖乙所都舊居之者以爲姓也又有耿國在平陽皮氏晉獻公滅之其後亦稱耿氏漢有耿壽昌潘水名也在滎陽扈廣大也言生此水土而廣大也

右章第六

焦滅胡

武王克殷封神農之後於焦末葉因爲焦氏又有姬姓小國亦謂之焦爲晉所滅後稱焦氏滅

胡猶言破胡也

晏奇能

齊有晏弱本齊之公族也號晏桓子桓子生嬰

曰晏平仲其後遂爲晏氏又有晏圉晏父戎

父讀

甫曰晏釐

力之反

皆其族也奇能謂有異材也

邢麗奢

奢叶音都荀子侂詩問姬子奢注云奢當爲都漢量錯對策奢叶都

邢本姬姓之國周公之胤也爲衛所滅因稱邢

氏麗奢言美而不陋也

邵守實

邵詩書左傳漢書作召

邵穆公周卿士也繼守其職邵伯廖邵武公皆

其後也因為邵氏焉秦有邵平漢有邵信臣守

實謂篤於言行不虛詭也

詭一作誕

宰安期

期叶于韻楚辭九章又叶廚

宰氏周大夫宰孔之後也安期取古人安期生

之名也

俠却敵

俠氏韓相俠累之後也却敵謂能折衝禦寇也

代焉于

焉於虔反何也

代國名也在常山之北代王爲趙襄子所滅其遺族遂稱代氏焉安也于曲也焉于言無所

屈撓也

撓女孝反

司馬衰

衰一作應

程伯休父周宣王時有平徐方之功錫以官族爲司馬氏其後有適晉者司馬侯司馬叔游司

馬彌牟司馬烏司馬寅皆是也項羽立司馬印

五郎反

爲殷王漢司馬遷卽其族也褒大也

尚自於

前已有尚次倩今又言尚自於一姓再見也尚
或作掌蓋魯大夫黨氏之後也黨亦音掌自於
猶言自益也

陶熊羆

彼宜反

陶唐氏之後或單稱陶又虞闕

於葛反

父爲周陶

正其後亦稱陶氏成王封康叔以殷人七族亦有陶氏焉惟熊惟羆男子之祥故以爲名

解莫如

蟹解音

解地名也在河東因地爲姓故晉國多解氏焉解張解揚解狐皆其族也漢有解光解延年莫如言無有能如之者也漢有毛莫如

樂欣諧

樂氏亦再見也欣諧喜於和合也

童扶疏

一作疎

顓頊

許玉反

之子號老童者其後因以爲姓扶疏

言衆而盛多也

痛無忌

痛氏本盛國之後實姬姓也周穆王嬖寵盛姬
早死穆王哀痛不已加禮葬之遂改其族謂之
痛氏無忌言無所避忌也古有僊人宋無忌

向夷吾

向式亮反音餉

向者國名本姜姓也其後以爲氏又宋之向氏

與宋同姓桓公生向父盼

許乙反

遂爲向氏向戌

向儀向寧皆其後也夷吾欲效管仲之名也

閔并訢

閔一作閔閔獲耕反并卑盈反訢古欣字

閔氏之先本周之閔人閔所以止扉今之門株

于結反

是也職典其事遂爲姓焉漢有閔孺并訢

言衆竝訢喜也

竺諫朝

竺張六反俗作竺朝叶餘韻漢書叙傳昭叶苻驕叶隅

竺氏本天竺國人也來歸於漢而稱竺氏天竺
卽身毒也亦謂之捐毒漢有竺次者卽其人焉
云諫朝者言可備諍臣於朝廷者也以朝韻吾
者古有此音蓋相通也班固幽通賦曰巨滔天
而泯夏考遘愍以行謠終保已而貽則里上仁
之所廬類此甚多不可具載

溝王
豆反

續增紀

續氏晉大夫續簡伯之後也號狐鞫居以食續

地更爲續氏增紀言高年也

遺失餘

遺音
惟

遺氏本魯季氏家臣南遺之後也失餘言所失

之餘惟此一字

一作
子也

姓名訖

所陳堪爲姓名也訖者其事畧究也

請言物

此後一
句一韻

次說雜物并

一作
陳

衆品也

右章第七

錦繡縵純離雲爵

縵莫半反純亡到反
音耄一作純順倫反

錦織綵爲文也繡刺綵爲文也縵無文之帛也
純謂刺也離雲言爲雲氣離合之狀也爵孔爵
也言織刺此象以成錦繡繪帛之文也自離雲
爵以下至鳧翁濯其義皆同今時錦繡綾羅及
氍毹毼毼之屬氍巨于反
毼羊朱反摹寫諸物無不畢備
其來久矣一曰離謂長離也雲謂雲氣也長離

靈鳥名也作長離雲氣孔爵之狀也

乘風縣鐘華洞樂

縣音玄一作懸洞一作曠音清樂叶音洛

乘風一名爰居一名雜縣蓋海鳥也言爲乘風

之狀作箕虞以懸鐘又爲華藻

一作藥

之形兼列

衆樂之器以成文章也洞猶通也言遍載其文

綵也

箕息久反虞音巨

豹首落莫兔雙鶴

豹首若今獸頭錦落莫謂文綵相連又爲兔及

雙鶴之形也鳥二枚曰雙

春艸雞翹鳧翁濯

翹渠通反鳥尾口濯叶鶴孟
子引詩鹿濯濯白鳥鶴鶴

春艸象其初生纖麗之狀也雞翹雞尾之曲垂也鳧者水中之鳥今所謂水鴨者也翁頸上毛也既爲春艸雞翹之狀又象鳧在水中引濯其翁也一曰春艸雞翹鳧翁皆謂染彩而色似之若今染家言鴨頭綠翠毛碧云

鬱金牛見緇白芍

鬱於物反芍或作煇
弋若反說文以灼反

自此已下皆言染繒之色也鬱金染黃也細淺黃也半見言在黃白之間其色半出不全成也白豹謂白素之精者其光豹豹然也

黃氏曰豹音禽白縞也

縹緗綠純皁紫硃

縹敷沼反緗音戾純音九硃音鮮

縹青白色也緗蒼艾色也東海有艸其名曰虞

以染此色因名緗云綠青黃色也純

即素之輕細者

皁

黑色紫青赤也硃以石輾繒色尤光澤也

輾女展反

黃氏曰扞
繒石也

烝栗綃紺繒紅然

綃吉掾反紺古暗反繒
子燼反然而延反音然

烝栗黃色若烝孰之栗也綃生白繒似縑而疏
者也一名鮮支紺青而赤色也繒淺赤色也紅
色赤而白也然者紅色之尤深言若火之然也

黃氏曰
絲勞貌

青綺綾縠靡潤鮮

縑一作羅綺去倚反
綾音凌縠胡谷反

青青色也綺卽今之繒綾今之雜小綾也縠今

梁州白縠靡潤輕浹也

浹人
亮反

鮮發明也言此繪

既有文綵而又鮮潤也

綈絡縑練素帛蟬

綈音啼
徒奚反

綈厚繪之滑澤者也重三斤五兩今謂之平紬

絡卽今之生縹

始移反又式
支反音施

也一曰今之綿紬

是也縑之言兼也并絲而織甚緻密也

緻馳二
反又文

致練者煮縑而熟之也素謂絹之精白者卽所

用寫書之素也帛總言諸繪也蟬謂繪之輕薄

者若蟬翼也一曰縑已練者呼爲素帛若今言白練者也

右章第八

絳緹絳紬絲絮綿

緹音題又音牀絳胡卦反紬音儔

絳赤色也古謂之纁

音熏許云反

緹黃赤色也

黃氏曰緹

纁也古兵服之遺色

抽引麤繭緒紡而織之曰紬紬之尤

麤者曰絳繭滓所抽也

滓則仕反黃氏曰絳音畫絲結也

抽引

精繭出緒者曰絲漬繭擘之精者爲綿麤者爲

絮今則謂新者爲綿故者爲絮古亦謂綿爲續

續字或作統

竝音贖漬林嗎
反擘布麥反

牝敝囊橐不直錢

牝皮鄙反又并止反音
圯敝一作弊橐他洛反

牝者縹殘之帛也

縹音雪黃氏
曰牝縹裂也

敝敗衣也有底

曰囊無底曰橐言牝帛及敝敗囊橐無所堪任

賣之不售也

售上
救反

服瑣綸帶與繒連

綸大侯反帶子
後反繒疾陵反

服瑣細布織爲連瑣之文也綸帶縵布之尤精

者也

湯先狄反黃氏曰綸音投布名帶音費布名

言此二種雖曰布

類其質精好與繪相連次也繪者帛之總名謂

以絲織者也

貨貸賣買販肆便

貨音世式制反又傷夜反貸他代反販方萬反便平聲房連反

賁賒也

賒音奢

貸假與也出曰賣入曰買

一云出賣去曰賣

販入賤買而貴賣之曰販肆謂坐市行列也

戶行

郎反言販賣及買皆因市肆以獲便宜也

資貨市羸匹幅全

幅方六反

市亦買也言以資財賄貨市取贏餘之物多積
布帛匹幅皆全無虧損也四丈曰匹兩邊具曰

幅

綌紵泉縵裹約纏

綌去逆反一作紵較之反紵音
竹泉絲里反縵紵粉反裹音果

纏呈
延反

綌謂葛之纍者紵織紵爲布及疏之屬也

疏亦
作疎

泉纍麻也縵約猶束縛也言貧乏之人無好綿
帛但以此物自苞裹纏束爲衣被也

綸組繹綬以高遷

綸古頑反又音倫組音祖繹音逆宜戟反綬音受

綸糾

一無糾字

青絲綬也組亦綬類也其小者以爲

冠

說文作冕

纓繹者受之系也言其迎逆綬也

黃氏曰繼

古佩璲也

綬者受也所以承受環印也亦謂之璲秩

命不同則綵質各異故云以高遷

量丈尺寸斤兩銓

銓稱也言量布帛者則計其丈尺及寸稱絲綿者則數其斤兩

取受付予相因緣

予音與取一作所

言以相付及受取領納皆緣丈尺斤兩以定其數故得分明無虧失也予相授予也

右章第九

稻黍稷粟麻稭

稷音述稭一作稷稭古行反叶古郎反詩大東庚叶箱

稻者有芒之穀總名也亦呼爲稌

庚杜他戶二反

黍似

稌而黏可以爲酒者也

稌音祭

稷似粟而黏亦可

爲酒稷粟一種但二名耳亦謂之粢

音裕麻謂大

麻及胡麻也杭謂稻之不黏者以別於粳也

乃粳

貨反 杭字或作粳

餅餌麥飯甘豆羹

羹叶音郎盧當反一云力當反見魯頌楚辭叶房漿

漉麩而蒸熟之則爲餅餅之言并也相合并也

漉米而蒸之則爲餌餌之言而也相黏而也麥

飯磨麥合皮而炊之也甘豆羹以泔米泔和小

豆而煮之也一曰以小豆爲羹不以醯酢其味

純甘故云甘豆羹也

泔音桃泔音甘

麥飯豆羹皆野人

農夫之食耳

葵韭蔥薺蓼蘇薑

薺戶界反
一作薺

葵衛足之菜傾葉而蔽日者也韭之言久也一

種久生蔥青白雜色之名也薺一名鴻薺

音薺

有數種葉長銳而薄生於水中者曰水蓼葉圓

而厚生於澤中者曰澤蓼一名虞蓼亦謂之薺

而許叔重云蓼一名薺虞非也

薺音薺

蘇一名桂

荏薑禦溼菜也辛而不葷故齊者不撤焉

說文作薺

董虎渾反

云許云反

蕪荑鹽豉醯酢醬

醬叶音漿酢七故
反一作醯醬漿

蕪荑無姑之實也無姑一名棒榆生於山中其

莢圓厚剝取樹皮合漬而乾之成其辛味也爾

雅曰無姑其實夷故謂之蕪荑也

棒音姑
山榆也鹽生

於鹹水者也古者風沙氏初煮海爲鹽其後又

出河東大鹵臨邛火井焉今則處處有之矣豉

者幽豆而爲之也醯酢亦一物二名也醬以豆

合麩而爲之也以肉曰醢以骨曰齏

醢音海齏音泥又若

反 擊之爲言將也食之有醬如軍之須將取其

率領進導之也一作漿

芸蒜薺芥茱萸香

蒜蘇判反薺齊禮反

芸卽今芸蒿也生熟皆可嚼蒜大小蒜也皆辛

而葷薺甘菜也其實名差

才何反又音嗟

芥亦有大小

二種茱萸似楸而大食者貴其馨烈故云茱萸

香也

楸音殺

老菁蘘荷冬日藏

菁音精
蘘音穰

菁蔓菁也一曰冥菁亦曰蕪菁又曰芴菁

蔓音萬又

莫于反蕪音無芴音芴

蘘荷一名萑苴

萑音名反苴子閭反

莖葉似

薑其根香而脆可以爲菹又辟蠱毒言秋種蔓菁至冬則老而成就又收蘘荷竝蓄藏之以禦

冬也

梨柿柰桃待露霜

柿音侯柰奴帶反

言此四果皆得霜露之氣乃能成熟夏則待露

秋則待霜故總云待霜露也梨一名山檮

音商
秋一

作秋
冬

棗杏瓜棣餼飴

飴叶音唐餼思但反飴以
之反飴辭益反又音唐

因說衆果遂及口實也棣常棣也其子熟時正

赤色可啗俗呼爲山櫻桃隴西人謂之棣子

音棣

吐計
反

餼之言散也熬稻米飯使發散也古謂之

張皇亦目其開張而大也以蘖消米取汁而煎
之溲弱者爲飴言其形怡怡然也厚强者爲飴

錫之爲言洋也取其洋洋然也

強其兩反
洋音祥

園菜果菰助米糧

菰郎
果反

木實曰果艸實曰菰言園圃種菜及殖果菰貧者食之以免飢饉故云助米糧也

右章第十

甘麩殊美奏諸君

麩丘舉反又丘
據反甘一作白

甘麩者糞麥爲甘粥也麩之言齧也謂齧爛也
一曰麩者糗也

音丘
糗反

麩糗聲相近實一物也今

人通以熬米麥爲之麩

音昌繞反又尺沼反一作麩

甘麩者

以蜜和糗故其味甘也

齶丘羽反黃氏曰麩麥粥汁

奏進也

言此殊絕甘美之食宜進之於君上

袍襦表裏曲領帶

襦音孺帶音羣

長衣曰袍下至足跗

方夫反

短衣曰襦自膝以上

一曰短而施要

一遣反

者襦衣外曰表內曰裏著

曲領者所以禁中衣之領恐其上擁頸也其狀

闊大而曲因以名云

黃氏曰曲領即襜褕

帶即裳也一名

帔一曰襪

帔音披 襪音碑

襜褕袷複褶袴禪

襜昌瞻反一尺占反褕音踰一 弋朱反袷古洽反複方復反褶

徒頰反音牒又音習 一作襲禪古渾反

襜褕直裾禪衣也

禪多安反

謂之襜褕者取其襜褕

而寬裕也衣裳施裏曰袷

黃氏曰袷音夾衣無絮也

褚之以

緇曰複

褚丁呂反裝衣

褶謂重

丈龍反

衣之最在上者也

其形若袍短身而廣袖一曰左衽

人禁反

之袍也

黃氏曰褶音習袴也

袴謂脛

胡定反

衣也大者謂之倒頓小

者謂之被衽

被古烏反又功巧反衽音了力烏反

袴之兩股曰襠

徐龍反又丈勇反

合襠謂之禪最親身者也

禪衣蔽膝布毋縛

禪音單縛或作尊祖昆反

禪衣似深衣而袞大亦以其無裏故呼爲禪衣

蔽膝者於衣裳上著之以蔽前也一名鞞又曰

鞞亦謂之檐

著竹畧反鞞音弗鞞音畢檐昌占反

布毋縛者薺貉

女子以布爲脛空用絮補核狀如檐褸薺貉者

東北之夷也說者或云毋縛布名非也

薺音儼貉音陌

黃氏曰江東謂鷓鴣爲布毋
布毋縛小衣也猶犢鼻耳

鍼縷補縫綻紩緣

鍼一作箴之林反縫符容反紩持栗反音秩綻文莧反一作袒

緣悅綸反叶音循鮑明遠東武吟怨字叶軒一作循

鍼所以縫衣也縷線也修破謂之補縫解謂之

綻納

一作細

刺謂之紩

綻一作袒

純邊謂之緣

純之危反

履舄鞞衰絨緞紩

鞞音踏他陴反衰一作衰音壁絨于月反音越緞乎加反音遐

紩音巡

單底謂之履或以絲爲之複底而有木者謂之

烏鞞生革之履也

黃氏曰鞞革履也

裒謂鞞之深大者

也

黃氏本作鞞註曰鞞衣也革中辨謂之鞞爾雅

絨織絲爲之一名車

馬飾卽今之織成也

黃氏曰絨紵布

緞履跟

音根

之帖也

絨緞以絨爲緞也

黃氏曰當書報

紉緣履之圓條也賈

誼諫曰今人賣僮僕者爲之繡衣絲履徧諸緣

又曰美者繡繡庶人之妾以緣其履是則古之

履飾通用紉之屬也一曰紉者屬五絲而爲之

若今之刺繡鞞矣

黃氏曰紉環絲緣也

鞞鞞印角褐鞞巾

鞞速沓反鞞的齊反印頗當反鞞勿發反从韋俗作鞞非是

鞞

一作鞞

謂韋履頭深而兌平底者也今俗呼謂

之跣子鞞薄韋小履也

黃氏曰鞞鞞革履揚雄方言履禪者謂之鞞粗

者謂之屨他回反

印角屨上施也形若今之木履而下

有齒焉欲其下不蹶

音厥

當印其角舉足乃行因

爲名也

黃氏曰方言東北謂之印角印屨頭也下邳謂漆屨有齒者曰漸角

褐織

毛爲衣也或曰麤衣也鞞足衣也一曰褐謂編

帛爲鞞也巾者一幅之巾所以裹頭也一曰裹

足之巾若今人褻足布也

裳韋不借爲牧人

韋一作韠

韋柔皮也裳韋以韋爲裳也不借者小屨也以麻爲之其賤易得人各自有不須假借因爲名也言著韋裳及不借者卑賤之服便易於事宜

以牧羊也

易竝弋豉反著竹畧反便頻綿反黃氏曰方言絲作者謂之履麻作者謂

之不借

完堅耐事踰比倫

耐乃代反

耐堪任也比例也倫類也言著此衣履屨者必
須完全堅韌堪任事務經歷長久乃得踰於等
類不破壞也

韜音刃

右章第十一

屨屨繫麤羸窶貧

屨居勺反繫方孔反一作索一作素麤一作麤平表反窶其羽反

屨者以木爲之而施兩齒所以踐泥屨卽今之
鞋也繫圓頭掩上之履也麤者麻象雜履之名
也南楚江淮之間通謂之麤

黃本作麤羸因窶也窶

無禮者

一作之名

也貧無財者也言羸窶貧人無有

華飾也

旃裘鞞鞞蠻夷民

旃一作氍鞞先各反鞞大合反

鞞鞞胡履之缺前雍者也

黃氏曰音索鐸胡履也

言蠻夷

之人唯以羶爲裘而足著鞞鞞也今西羌其服

尚然

去俗歸義來附親

去其本俗歸義德義附化而親近也

譯導贊拜稱妾臣

譯傳言也導引也贊見也始來歸義言語未通故須傳譯導引進見而拜依臣妾之禮也一曰贊助也謂譯導者佐助之也

戎伯總閱什伍鄰

總一作摠伯一作貊莫白反鄰一作陳

戎謂編士卒之列也百人爲伯則置長

竹文反

以

總統閱視之也五人爲伍二伍爲什五家爲鄰又依此法各有部署安居服役皆遵制令無乖

刺來葛反也篇本伯字或作貉貉卽上歲貉之類

者也言戎貉者廣說四夷也

稟食縣官帶金銀

稟筆錦反讀曰稟
一作廩食音飼

稟食縣官官給其食也帶金銀者或得封侯或受職任皆佩印也

鐵鈇鑽錐釜鍍整

鈇音虜方符反鑽借官反錐職
追反一作錙鍍音富分副反一

音腹整音牟莫浮反整叶音毛
楚辭大招悠叶寥九章流叶昭

因說金銀遂陳用器也鐵鈇以鐵爲莖刃也一

曰以鐵爲椹也

椹竹林反

錐所以刺入也鑽所以穿

通也釜所以炊煮也大者曰釜小者曰鍤北燕

朝鮮泐水之間謂之鍤

泐音列鍤他典反方言音腴黃氏曰鍤釜而大

者口鑿似釜而反唇一曰鑿者小釜類卽今所謂

鍋

工禾反

也亦曰鍤

音鑿族

未戈反黃氏曰鑿釜屬

鍛鑄鉛錫銍錠鏹

銍丹增反音登錠徒經反鏹了消反音譙廣韻音焦

凡金鐵之屬椎

直追反

打而成器者謂之鍛銷冶

而成者謂之鑄鉛青金也錫一名釧

音引

在銀鉛

之間卽今白鐵也

鐵音臘

鐙所以盛

音成

膏夜然燎

者也

燎力召反

其形若杆

音干

而中施釭

音工

有柎

方于反

者曰鐙無柎者曰錠柎謂下施足也

黃氏曰豆有足曰錠

無足曰鐙 鐙謂鐙斗溫器也似鈹而無緣

弋縮反黃氏曰鐙刃

斗也溫器三足而有柄

鈹 鐙 鈹 鉤 鈹 斧 鑿 鉏

鈹知栗反一作鈹鈹巨廉反鐙特妥反音墮又徒猥反鉏叶音

鈹叶彫反見前竺諫朝注一作鈹

鈹 鐙 大 犁 之 鐵

黃氏曰鈹鐙大犁也音墮

鈹 卽 鎌

刀詹反

也 形

曲如鉤因以名云亦謂之鍬

苦節反說文苦結反鍬也

鉦刈

黍短鎌也

黃氏曰穫禾短鎌一作鉞音注

斧所以伐木也鑿所

以穿木也鉏去艸之具也一名茲基

去丘呂反

右章第十二

急就篇卷第二

終